



## La SSR – per ina viva memoria

Funtauna: ©RTR

La SSR ha l'incumbensa da rimnar sias registraziuns da program, da las inventarisar e da las conservar sco era da metter a disposiziun quests archivs d'emissiun a la publicitad e quai en ina furma adattada. Ella duai collavurar cun instituziuns spezialisadas en il sector da l'ierta audiovisuala.

### In'ierta preziosa


Il archivs d'emissiun da las unitads d'interpresa da la SSR cumpiglian oz cuntegns da passa dus milliuns uras – da la Svizra, davart la Svizra e da quai che interessa la Svizra. Ils emprims documents da radio dateschan da l'entschatta dals onns 1930, ils emprims documents da televisiun dals onns 1950. Bunamain 90 pertschient dals documents dal temp avant la produziun sin basa da datotecas han ins gia digitalisà en auta qualitat – ed uschia mantegnì per la posteritad.

Ils archivs d'emissiun èn documentads a moda professiunala, uschia ch'ins chatta ils cuntegns cun criteris da tschertga sco il num da l'emissiun, il lieu, la data, persunas cumpigliadas, auturs, euv. Ins po consultar ils documents directamain al visur.



Funtauna: ©RTR

Emissiun directa da Lantsch



Funtauna: ©SRF

Emprima reportascha da la televisiun svizra





Funtauna: ©RTS/Laurent Bleuze

La SSR investescha mintg'onn circa 20 milliuns francs per archivar e documentar sias producziuns. Per digitalisar l'inventari vegl è ella vegnida sustegnida cun meds finansials da terzs, cunzunt da Memoriv, l'Associaziun per il mantegniment da la memoria audio-visuala da la Svizra (la SSR fa part dals commembers fundadors da quella).


Ils archivs da la RTS

## Utilisar e render accessibel l'archiv

Ils archivs d'emissiuon da la SSR chattan buna accoglientscha e vegnan nizzegiads a moda intensiva, tant internamain dals realisateurs da program sco er externamain dal public sur las pli differents purschidas.

Il pli svelt access permettan **ils portals da medias** da las unitads d'interpresa:

- [www.srf.ch/play](http://www.srf.ch/play)
- [www.rsi.ch/play](http://www.rsi.ch/play)
- [www.rtr.ch/play](http://www.rtr.ch/play)
- [www.rts.ch/play](http://www.rts.ch/play)



Funtauna: ©RTR

Qua datti sper las emissiuons las pli actualas era dieschmillis uras da radio e televisiun dals onns passads. La purschida vegn augmentada e meglierada cuntinuadamain.

Sin lur websites, en il rom d'exposiziuns u d'events porschan las unitads d'interpresa da la SSR **dossiers d'archiv** attractivs davart temas actuals e tals ch'èn d'interess general. Ultra dals documents d'archiv e da las metadatas appartegnentas èn da chattar là er infurmaziuns contextualas. Pli e pli vegnan producziuns da la SSR enritgidas cun infurmaziuns e cuntegns dal public. Talas purschidas resultan savens da collavuraziuns cun archivs, cun realisateurs da program ed era cun instituziuns externas sco museums ed universitads. Las fundaziuns culturalas da las trais grondas regiuns linguisticas giogan ina rolla impurtanta. Exempels actuals èn:

- [www.notrehistoire.ch](http://www.notrehistoire.ch), [www.lanostrastoria.ch](http://www.lanostrastoria.ch)
- [www.nossaistorgia.ch](http://www.nossaistorgia.ch)
- Totem RSI
- [www.youtube.com/user/sfarchiv](http://www.youtube.com/user/sfarchiv)
- [www.facebook.com/srfarchiv](http://www.facebook.com/srfarchiv), [www.facebook.com/lesarchivesdelaRTS](http://www.facebook.com/lesarchivesdelaRTS), [www.facebook.com/rsiteche](http://www.facebook.com/rsiteche)
- [www.rtr.ch/archiv](http://www.rtr.ch/archiv), [www.rts.ch/archives](http://www.rts.ch/archives)



Funtauna: ©RTS/Rosemarie Despland

La course autour du monde de Popovic, Huwiler, Naftule



Funtauna: ©SRF/Oscar Alessio

Giubileum dal Echo der Zeit

Er **ils archivs da producziun** da la SSR pon ins consultar gratuitamain e quai a moda variada:

- consultaziun dals archivs da producziun en las unitads d'interpresa (sin dumonda)
- access als archivs en var 70 bibliotecas, scolas ed autras instituziuns publicas en l'entira Svizra



L'emissiu «A Bon Entendeur» da RTS en il decurs dal temp

## Collavurar cun instituziuns spezializadas

Las units d'interpresa da la SSR han fundà las suandantas fundaziuns culturalas:

- Fondation pour la sauvegarde et la mise en valeur du patrimoine audiovisuel de la Radio Télévision Suisse (Fonsart)
- Fondazione Patrimonio Culturale della Radiotelevisione Svizzera di lingua italiana (RSI)
- Stiftung Kulturerbe von Schweizer Radio und Fernsehen (SRF)

Las trais fundaziuns han il suandant intent:

- rimnar meds per mantegnair l'ierta audiovisuala da RTS, RSI e SRF
- sustegnair finanziailmain e promover projects da RTS, RSI e SRF per tgirar e mantegnair lur ierta audiovisuala
- meglierar l'access a quel bain cultural per la publicitad

La SSR è stada cumpigliada activamain a las fundaziuns da la Fonoteca naziunala svizra e da l'associaziun Memoriav che han la finamira da mantegnair, da valorisar e d'utilisar vastamain il bain cultural audiovisual da la Svizra. Ella tgira stretgs contacts cun questas instituziuns. Per mantegnair documents filmics collavura ella era cun la Cinémathèque suisse.

La SSR è plinavant commembra da las suandantas organizaziuns spezializadas en il sector da l'archivaziun medala e dal diever d'archivs medials:

- Biblioteca Infurmaziun Svizra (BIS)
- Fundaziun svizra per la furmaziun cun meds audiovisuals (FSFA)
- Federaziun internaziunala dals archivs da televisiun (FIAT/IFTA)



Erich Gysling ed Anton Schaller en il studio da la Rundschau





Las pledadras Madeleine, Marie-Claude et Lylia da RTS l'onn 1965

Funtauna: ©RTS/Archives RTS



Funtauna: ©RTS/Archives



Funtauna: ©SRF

Heiner Gautschi cun astronaut James A. Lowell en l'emissiun Rundschau

Extract da la concessiun dal Cussegl federal a la SRG SSR 2007:

**Art. 20** Collavuraziun cun archivs medials naziunals

La SSR lavura cun ils archivs medials naziunals per rimnar, inventarisar e conservar las registraziuns da ses programs e gida da metter a disposiziun quellas a la publicad per dievers ulteriurs.